

Oqaluuserisassanut nassuiaat (Inatsisartut Siulittaasuat)

Imm. 32-p: “Kalaallit Nunaanni eqqartuussisarnermik inatsisip aamma Kalaallit Nunaanni pinerluttulerinermi inatsisip allangortinneqarneri pillugit inatsit (Kalaallit Nunaanni eqqartuussisarnermik inatsimmi malittarisassat il.il. nutarterneqarnerat) pillugu siunnersuummut missingiutip Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut”, *Meeqqanut, Inuusuttunut, Inatsisit Atuutinneqarnerannut Naligiisitaanermullu Naalakkersuisoq*, siullermeerneqarnera maajip 18-ianut kinguartinneqarpoq kiisalu aappassaaneerneqarnera maajip 27-anut kinguartinneqarluni.

Inatsisinut Ataatsimiititaliamit qinnutigineqartoq naapertorlugu imm. 85: “Uunga siunnersuut Nalunaaquttap aalajangersarneqarnera pillugu Inatsisartut inatsisaata allangortinneqarneranik Inatsisartut inatsisaat (Nalunaaquttat ingerlaqatigiiffiannut allamut ikaarsaarneq, aasaanerani nalunaaquttap atorunnaarsinneqarnera)”, *Inatsisartuni eqimattaq, Naleraq*, aamma imm. 104: “Uunga siunnersuut Nalunaaquttap aalajangersarneqarnera pillugu Inatsisartut inatsisaata allangortinneqarneranik Inatsisartut inatsisaat (Nalunaaquttat ingerlaqatigiiffiannut allamut ikaarsaarneq, aasaanerani nalunaaquttap atorunnaarsinneqarnera)”, *Siumut*, UKA2026-mut kinguartinneqarput.

Imm. 136: “Nunatta kangianut tulluarsakkamik ilinniarfimmik, Tasiilami inissinneqartussamik pilersitsinissaq pillugu Naalakkersuisut siunnersuusiornissamik peqquneqarnissaannik Inatsisartut aalajangiiffigisassaattut siunnersuut. Ilinniarfik assigiinngisitaartumik

ilinniarfiullunilu piginnaasaqalerfiunissaa tunngavigineqassaaq. Siunnersuut UPA2027-mi saqqummiunneqassaaq.”, *Inatsisartunut ilaasortaq Nivi Rosing, Inuit Ataqatigiit*, aamma imm. 137: “Atorfimmi peqquserlunnerup akiornissaanut Naalagaaffiit Peqatigiit isumaqatigiissutaannut Kalaallit Nunaata ilanngunneqarnissaanik matumalu aalajangiiffigisassatut siunnersuutip akuerineqarnerata kingunitsianngua tamatuma sulissutigineqalernissaa aallartinneqaqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.”, *Inatsisartunut ilaasortaq Pipaluk Lynge, Inuit Ataqatigiit*, ulluni ukunani sammineqassapput:

- Siullermeerneqarneri ulloq 21. maj
- Aappassaaneerneqarneri ulloq 11. juni

Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliamit qinnutigineqartuq naapertorlugu imm. 64-ip: “Meeqqat atuarfiani klassimi ataatsimi annerpaamik 18-inik atuortoqarnissaanik qulakkeerisumik inatsimmik atortuulersitsinissamik, Naalakkersuisut peqquneqarnissaannik Inatsisartut aalajangiiffigisassaattut siunnersuut”, *Demokraatit inatsisartuni eqimattaa*, aamma imm. 143-p: “3. aamma 7. klassimi alloriarfinni allattariarsornermi pinngitsuugassaangitsunik misilitsissutinik qitiusumit aalajangersarneqartunik atorunnaarsitsissallutik inatsisinut, malittarisassanullu allannguutinik pisariaqartunik saqqummiussinissaannik, Naalakkersuisut peqquneqarnissaannik Inatsisartut aalajangiiffigisassaattut siunnersuut. Inatsisit, malittarisassallu ukiumi atuarfiusumi 2027/28-mi atuutsilersinneqarsinnaangorlugit naammassineqassapput”, *Demokraatit inatsisartuni eqimattaa*, aappassaaneerneqarneri ulloq maajip 20-anut kinguartinneqarput.

Inuussutissarsiornermut Aatsitassanullu Ataatsimiititaliamit aamma Naalakkersuisunit qinnutigineqartoq naapertorlugu imm. 26-p: “Uunga siunnersuut Tuniniaanissamik nittarsaassisarneq aamma nalunaaqutsersuisarneq pillugu Inatsisartut Inatsisaata allanngortinneqarnissaa pillugu Inatsisartut Inatsisaata allanngortinnissaa pillugu Inatsisartut inatsisaat (Tuniniaanissamik nittarsaassisarnermut inatsit)”, *Nunanut Allanut, Inuutissarsiutinut Aatsitassanullu Naalakkersuisoq*, aappassaaneerreqarnera maajip 26-anut kinguartinneqarpoq.

Taasisarnerit pillugit uku akornanni isumaqatigiissuteqartoqarpoq:

Nivi Heilmann Efraimsen, Inuit Ataqtigiit aamma Lars Poulsen, Siumut, ullumikkut 12. Maj 2026 atuuttumik.